



Your Bank of Choice

KEMPEN e-SEDEKAH BANK RAKYAT

TERMA DAN SYARAT

Kempen e-Sedekah (Kempen) ini dianjurkan oleh Bank Rakyat. Dengan menyertai Kempen ini, peserta yang layak harus membaca dan memahami sepenuhnya dan bersetuju untuk terikat dengan Terma dan Syarat yang terkandung di sini.

A. Kelayakan Kempen

1. Kempen ini terbuka kepada masjid/surau yang tersenarai dalam kategori seperti berikut:
 - i. **Peserta baru:**
Masjid/surau yang menyertai Program e-Sedekah Bank Rakyat pada tahun 2025, dan telah membuka Akaun Semasa-i Elektronik dan mendaftar i-MerchantRAKYAT.
 - ii. **Peserta sedia ada:**
Masjid/surau yang mempunyai Akaun Semasa-i Elektronik dengan Bank Rakyat semasa tempoh kempen.
2. Akaun dan perkhidmatan yang wajib untuk Kempen ini adalah seperti berikut:
 - i. Akaun Semasa-i Elektronik Qard/Tawarruq
 - ii. i-MerchantRAKYAT
3. Peserta digalakkan untuk melanggan i-bizRAKYAT bagi memudahkan urusan transaksi perbankan.
4. Peserta yang mempunyai sebarang tunggakan, keingkaran atau tindakan guaman terhadap kemudahan sedia ada atau pembiayaan dengan Bank semasa tempoh kempen TIDAK layak untuk menyertai kempen ini.

B. Tempoh Kempen

1. Tempoh Kempen bermula dari 1 Mac 2025 sehingga 31 Disember 2025.
2. Bank Rakyat boleh menukar atau meminda tempoh Kempen (melanjutkan, memendekkan atau memberhentikan) sekiranya perlu pada bila-bila masa.

C. Mekanisme & Hadiah Kempen

1. Terdapat **dua (2) kategori** untuk Kempen ini:

i. KATEGORI 1 : Imbas & Sedekah

- a) Hanya terbuka kepada 120 masjid/surau (Peserta baharu) yang telah mendaftar di bawah Program e-Sedekah Bank Rakyat pada tahun 2025.

- b) Masjid/surau hendaklah menerima derma sedekah melalui kod QR i-Merchant RAKYAT sahaja.
- c) Masjid/Surau perlu memenuhi minimum transaksi derma sedekah melalui kod QR i-Merchan RAKYAT setakat 31 Mei 2025, bagi berpeluang untuk memenangi hadiah/ wang tunai.

Minimum Transaksi	Hadiah Wang
500 - 999 transaksi	RM50
1,000 – 1,999 transaksi	RM100
2,000 transaksi ke atas	RM150

- d) Hadiah wang akan dikreditkan ke dalam Akaun Semasa-i Elektronik masjid/surau yang layak selepas 31 Mei 2025.

ii) **KATEGORI 2: Akaun Top 10**

- a) Kategori ini terbuka kepada semua peserta baharu dan sedia ada yang mempunyai Akaun Semasa-i Elektronik Bank Rakyat sepanjang tempoh kempen.
- b) Hadiah untuk kategori ini akan diberikan secara suku tahunan berdasarkan 10 akaun dengan baki purata bulanan (MAB) tertinggi bagi setiap suku. Minimum baki purata bulanan untuk layak menjadi Akaun Top 10 bagi setiap suku adalah RM5,000 bagi setiap akaun.

Baki Purata Bulanan	Hadiah Wang bagi Setiap Pemenang	Bilangan Pemenang
Suku: 1 April 2025 sehingga 30 Jun 2025 (3 bulan)	RM1,000	10
Suku: 1 April 2025 sehingga 30 September 2025 (6 bulan)	RM2,000	10
Suku: 1 April 2025 sehingga 31 December 2025 (9 bulan)	RM3,000	10

- c) Ilustrasi pengiraan baki purata bulanan:

	Akaun 1	Akaun 2	Akaun 3
Purata Baki Bulan Pertama	25,000	30,000	10,000
Purata Baki Bulan Kedua	30,000	30,000	9,000
Purata Baki Bulan Ketiga	40,000	30,000	10,000
Baki Purata Bulanan	$= (25,000 + 30,000 + 40,000)/3 \text{ bulan}$ $= 95,000/3$ $= 31,666$	$= (30,000 + 30,000 + 30,000)/3 \text{ bulan}$ $= 90,000/3$ $= 30,000$	$= (3,000 + 5,000 + 6,000)/3 \text{ bulan}$ $= 14,000/3$ $= 4,666$
Kelayakan & Kedudukan	- Layak - Pertama	- Layak - Kedua	Tidak Layak (MAB < RM5,000)

- d) Pemenang bagi kategori ini akan dipilih selepas tamat setiap suku yang ditetapkan. Pemilihan pemenang akan ditentukan oleh Bank Rakyat melalui Jawatankuasa yang dilantik oleh Bank Rakyat untuk Kempen ini.
- e) Setiap masjid/surau layak untuk memenangi hadiah lebih dari sekali sepanjang tempoh kempen. Walaubagaimanapun, setiap masjid/surau hanya layak memenangi sekali sahaja bagi setiap suku.
- f) Bank Rakyat boleh menggantikan hadiah sedia ada dengan hadiah lain yang setara (jika perlu) dengan memberi notis kepada pemenang. Hadiah tidak boleh dipindah milik kepada mana-mana pihak ketiga dan tidak boleh ditukar.
- g) Semua keputusan adalah muktamad dan tiada surat-menyurat, pertikaian dan rayuan akan dilayan. Pemenang akan dimaklumkan melalui khidmat pesanan ringkas (SMS), panggilan telefon atau sebarang kaedah lain yang sesuai oleh Bank Rakyat.

D. Terma dan Syarat Am

1. Dengan menyertai Kempen ini, peserta atau pelanggan bersetuju dan membenarkan data peribadi mereka dikumpulkan, diproses dan digunakan oleh Bank Rakyat mengikut Notis Privasi Bank Rakyat, yang boleh dilihat di www.bankrakyat.com.my
2. Peserta atau pelanggan bersetuju memberi hak eksklusif kepada Bank Rakyat untuk mencetak atau menyiarkan nama dan gambar penerima hadiah untuk tujuan promosi dalam akhbar, majalah, laman sesawang korporat Bank Rakyat atau mana-mana saluran media yang bersesuaian.
3. Dengan menyertai Kempen ini, peserta atau pelanggan bersetuju untuk membenarkan Bank, anak-anak syarikat, sekutu, pemegang lesen, pengarah, pegawai, ejen, kontraktor bebas dan agensi pengiklanan menggunakan nama pelanggan dan butiran peribadi (jika diperlukan) untuk tujuan komunikasi, promosi, secara keseluruhan, dalam mana-mana dan semua media sekarang atau yang telah dirancang, tanpa bayaran tambahan, melainkan jika dilarang oleh undang-undang.
4. Melainkan diperuntukkan secara khusus atau sebaliknya, Bank boleh meminda, membatalkan atau menambah Terma dan Syarat ini dari semasa ke semasa dengan memberi notis terlebih dahulu di laman sesawang Bank atau medium komunikasi yang bersesuaian dan sebarang pindaan, pembatalan atau penambahan itu akan berkuat kuasa selepas notis dikeluarkan.
5. Bank Rakyat boleh menolak dan/atau mengeluarkan sebarang penyertaan yang tidak tepat, tidak lengkap, mencurigakan dan tidak sah serta tidak memenuhi -syarat seperti yang dinyatakan dalam Terma dan Syarat.
6. **PENAFIAN: TERTAKLUK KEPADA APA YANG DIBENARKAN OLEH UNDANG-UNDANG, BANK RAKYAT DAN ANAK SYARIKATNYA TIDAK AKAN**

BERTANGGUNGJAWAB KEPADA PELANGGAN ATAU PENDEPOSIT ATAU MANA-MANA PIHAK KETIGA (KECUALI UNTUK LIABILITI YANG TIMBUL DARIPADA KECUAIAN MELAMPAU, SALAH LAKU, SENGAJA, FRAUD ATAU KEINGKARAN SENGAJA BANK RAKYAT) UNTUK KEROSAKAN LANGSUNG, TIDAK LANGSUNG, KHAS, SAMPINGAN, GANTI RUGI TAULADAN ATAU AKIBAT KEROSAKAN (TERMASUK KEHILANGAN PENGGUNAAN, DATA, PERNIAGAAN ATAU KEUNTUNGAN) YANG TIMBUL DARIPADA ATAU BERKAITAN DENGAN PENYERTAAN ANDA DALAM KEMPEN INI, SAMA ADA LIABILITI TERSEBUT BERLAKU BERPUNCA DARIPADA APA-APA TUNTUTAN BERASASKAN KEPADA KONTRAK, JAMINAN, TORT (TERMASUK KECUAIAN), LIABILITI KETAT ATAU SEBALIKNYA DAN SAMA ADA PELANGGAN ATAU PENDEPOSIT TELAH DINASIHATKAN ATAU TIDAK KEMUNGKINAN KERUGIAN ATAU KEROSAKAN BOLEH BERLAKU.

7. Bank Rakyat tidak akan bertanggungjawab terhadap sebarang kemungkinan yang disebabkan bencana alam, peperangan, rusuhan, perintah berkurung, kebakaran, banjir, kemarau, ribut, epidemik, pandemik, kegagalan sistem atau sebarang situasi di luar kawalan Bank Rakyat.
8. Dengan menyertai kempen ini, peserta atau pelanggan dianggap telah membaca, memahami dan bersetuju untuk menepati terma dan syarat yang terkandung di sini, termasuk keputusan yang dibuat oleh Bank Rakyat yang dianggap muktamad, terikat dan menyeluruh.
9. Terma dan Syarat ini tertakluk dan ditafsirkan mengikut undang-undang Malaysia. Untuk maklumat dan pertanyaan lanjut, sila hubungi pusat panggilan di talian 1300 80 5454; atau kunjungi mana-mana cawangan Bank Rakyat; atau layari www.bankrakyat.com.my